

ՄԻԱՄՆԱԿԱՆ ՔՆՆՈՒԹՅՈՒՆ

2026

ՀՈՒՆԻՍ

ԱՇԽԱՐՀԱԳՐՈՒԹՅՈՒՆ

ԹԵՍՏ 4

Խմբի համարը

Նստարանի համարը

Հարգելի՛ դիմորդ

Խորհուրդ ենք տալիս առաջադրանքները կատարել ըստ հերթականության: Ուշադիր կարդացե՛ք յուրաքանչյուր առաջադրանք և պատասխանների առաջարկվող տարբերակները: Եթե Ձեզ չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող եք այն բաց թողնել և դրան անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը ազատորեն կարող եք օգտագործել սևագրության համար: **Թեստ-գրքույկը չի ստուգվում: Ստուգվում է միայն պատասխանների ձևաթուղթը:**

Առաջադրանքները կատարելուց հետո չմոռանաք պատասխանները ուշադիր և խնամքով նշել պատասխանների ձևաթղթում: Պատասխանների ձևաթղթի ճիշտ լրացումից է կախված Ձեր քննական միավորը:

Մաղթում ենք հաջողություն:

1

Հասարակական աշխարհագրության ճյուղերից է.

- 1) երկրագրությունը
- 2) լանդշաֆտագիտությունը
- 3) երկրաձևաբանությունը
- 4) կլիմայագիտությունը

2


Երևանի հեռավորությունը Հյուսիսային բևեռից աստիճաններով կլինի.

- 1) 96°
- 2) 50°
- 3) 76°
- 4) 80°

3

Նկար 1.- ում տրված քարտեզը կազմելու համար ի՞նչ պրոյեկցիա է կիրառվել:

- 1) ազիմուտային
- 2) կոնային
- 3) հասարակածային
- 4) գլանային



նկար 1.

4

Նշվածներից ո՞րն է ժամային գոտիների առաջացման պատճառ:

- 1) Երկրի վրա շարժվող մարմինների ուղղության շեղումը իրենց սկզբնական ուղղությունից
- 2) Երկրի օրական պտույտն իր առանցքի շուրջը
- 3) Երկրի առանցքի թեքությունն իր պտտման ուղեծրի հարթության նկատմամբ
- 4) Երկրի տարեկան պտույտն Արեգակի շուրջը

5

Նշվածներից ո՞ր մեթոդն է կոնկրետ գիտական.

- 1) մաթեմատիկական
- 2) համեմատական
- 3) վիճակագրական
- 4) քարտեզագրական

6

Քարտեզում երկու կետերի հեռավորությունը 8 սմ է, իսկ իրականում՝ 48 կմ:
Այդ քարտեզի մասշտաբը կլինի.

- 1) 1: 6 000 000
- 2) 1: 60 000 000
- 3) 1: 60 000
- 4) 1: 600 000

7

Ո՞ր դարաշրջանում է առաջացել Հայկական լեռնաշխարհը:

- 1) Մեզոզոյան
- 2) Պրոտերոզոյան
- 3) Պալեոզոյան
- 4) Կայնոզոյան

8

Ո՞ր պնդումն է սխալ.

- 1) Ջրի ֆիզիկական և քիմիական հատկությունները սերտորեն կապված են միմյանց հետ:
- 2) Ջրի ակուստիկ հատկության շնորհիվ այն իր միջով անցկացնում է ձայնի ալիքները:
- 3) Ջուրն իր ամեմամեծ խտությանը հասնում է $+4^{\circ}\text{C}$ -ում:
- 4) Ջուրը, տարբեր ագրեգատային վիճակների անցնելիս, չի ունենում ծավալային փոփոխություններ:

9

Մթնոլորտում ո՞ր բարձրություններում է տարածվում օզոնի շերտը.

- 1) 35 – 40 կմ
- 2) 40 – 45 կմ
- 3) 25 - 30 կմ
- 4) 30 – 35 կմ

10

Ո՞ր պնդումն է սխալ.

- 1) Հասարակածային կլիմայական գոտում ամբողջ տարին իշխում են խոնավ ու տաք օդային զանգվածները:
- 2) Բնական զոնաների հերթափոխությունը լեռներում կոչվում է վերընթաց գոտիականություն:
- 3) Երկրի մակերևույթի հարթավայրային տարածքներում բնական զոնաները հիմնականում ձգվում են արևմուտքից արևելք ուղղությամբ:
- 4) Բարեխառն և արևադարձային հիմնական կլիմայական գոտիների միջև տարածվում է մերձարկտիկական կլիմայական գոտին:

11

Ո՞ր օվկիանոսի տարածքի գրեթե կեսն է զբաղեցնում մայրցամաքային ծանծաղուտը.

- 1) Հյուսիսային սառուցյալ
- 2) Խաղաղ
- 3) Հնդկական
- 4) Ատլանտյան

12

Որքա՞ն կլինի արեգակնային ճառագայթների անկման անկյան մեծությունը հունիսի 22-ին հվ. լ. 50°-ի վրա:

- 1) 16,5°
- 2) 26,5°
- 3) 63,5°
- 4) 53,5°

13

Բնութագրումով որոշել բնական զոնան.

Այս բնական զոնան ունի լավ արտահայտված երկու սեզոն՝ խոնավ, տաք ամառներ, տաք և չոր ձմեռներ: Այն տարածվում է բոլոր մայրցամաքներում, բացի Անտարկտիդայից: Ո՞ր բնական զոնան է, նշել:

- 1) տունդրա
- 2) անապատ
- 3) տափաստան
- 4) սավաննա

14

Ի՞նչ հողեր են տարածվում խոնավ հասարակածային անտառների զոնայում:

- 1) կարմրադեղին
- 2) պողոզոլային
- 3) կարմրագորշ
- 4) դարչնագույն

15

Ո՞ր պնդումն է սխալ.

- 1) Անտարկտիդայի հզոր սառցադաշտերի տակ կան լեռնաշղթաներ, սարահարթեր, հսկայական գոգավորություններ և նույնիսկ իջվածքներ:
- 2) Անտարկտիկայում չկան գործող հրաբուխներ, և չեն լինում երկրաշարժեր:
- 3) Անտարկտիդայի հիմքում ընկած է Անտարկտիկական հնագույն պլատֆորմը:
- 4) Անտարկտիդայի արևմուտքում ձգվում են Անտարկտիկական Անդերը:

16

Ո՞ր կղզեխումբն է գտնվում Հնդկական օվկիանոսում:

- 1) Կանարյան
- 2) Մասկարենյան
- 3) Ազորյան
- 4) Մարշալյան

17

Հյուսիսային Ամերիկայի ամենաբարձր և ամենացածր կետերի բարձրությունների տարբերությունը կազմում է.

- 1) 7000 մ
- 2) 7100 մ
- 3) 6279 մ
- 4) 6589 մ

18

Ընտրել Հարավային Ամերիկայի բնական զոնաների տեղական անվանումների և բնական զոնայի կամ այն ընդգրկող տարածքի համապատասխանությունների ճիշտ շարքը.

- | | |
|------------|---|
| ա. պարամոս | 1. խոնավ հասարակածային անտառներ |
| բ. պամպա | 2. բարձրալեռնային մարգագետինները Անդերի լեռնաշղթայում |
| գ. սելվաս | 3. սավաննաները՝ Բրազիլական սարահարթում |
| դ. կամպոս | 4. մերձարևադարձային տափաստանները Լա-Պլատայի դաշտավայրի հարավում |

- 1) ա-3, բ-1, գ-4, դ-2
- 2) ա-2, բ-1, գ-4, դ-3
- 3) ա-2, բ-4, գ-1, դ-3
- 4) ա-3, բ-4, գ-1, դ-2

19

Ո՞ր պնդումն է սխալ.

- 1) Կանադական կղզեխմբում ու Գրենլանդիայում առավելապես տարածվում է սառցային զոնան:
- 2) Հյուսիսային Ամերիկայում չկան անապատներ և կիսաանապատներ:
- 3) Կենտրոնական Ամերիկայում, Կարիբյան ծովի կղզիներում տարածվում են խոնավ արևադարձային անտառներ և սավաննաներ:
- 4) Հյուսիսային Ամերիկայի տունդրայի զոնայում տիրապետող են մամուռներն ու քարաքոսները:

20

Ատլանտյան օվկիանոս թափվող գետ է.

- 1) Կոլորադոն
- 2) Կոլումբիան
- 3) Մակենզին
- 4) Միսիսիպին

21

Լեռնաշղթա-լեռնագագաթ զույգերից ո՞րն է սխալ.

- 1) Ալպեր—Կոսցյուշկո
- 2) Հիմալայներ—Ջոմոլունգմա
- 3) Ատլաս—Թուրկալ
- 4) Անդեր—Ակոնկագուա

22

Աֆրիկայի մերձարևադարձային մշտականաչ անտառների ու թփուտների բնական զոնային ո՞ր ծառն է առավել բնորոշ.

- 1) խցանակաղնի
- 2) խեժափիճի
- 3) կազուարիա
- 4) կակաոյի ծառ

23

Եվրասիայի բարեխառն կլիմայական գոտու վերաբերյալ ո՞ր պնդումն է ճիշտ.

- 1) Ծովային կլիմայի մարզը բնութագրվում է մեղմ ձմեռով, զով ամառով:
- 2) Ցամաքային կլիմայի մարզում կլիմայի ցամաքայնությունն արևմուտքից արևելք նվազում է:
- 3) Ամենափոքր տարածքը զբաղեցնում է բարեխառն ցամաքային կլիմայի մարզը:
- 4) Ամենամեծ տարածքը զբաղեցնում է բարեխառն մուսսոնային կլիմայի մարզը:

24

Ո՞ր երկիրը չի եղել ԽՍՀՄ-ի կազմում.

- 1) Մոլդովան
- 2) Ղազախստանը
- 3) Լեհաստանը
- 4) Էստոնիան

25

Ո՞ր մեզալոպոլիսը չի գտնվում ԱՄՆ-ում:

- 1) Տոկայդո
- 2) Սան-Սան
- 3) Չիփիթս
- 4) Բոսվաշ

26

Տրվածներից ո՞րը քաղաքական աշխարհագրության ուղղություններից չէ:

- 1) ընտրությունների աշխարհագրություն
- 2) քաղաքական գեոէկոլոգիա
- 3) աշխարհաքաղաքականություն
- 4) մշակույթի աշխարհագրություն

27

Բնակչության թվի բնական շարժը միայն բնական ճանապարհով՝ ծնունդների ու մահերի տարբերության հաշվին կոչվում է.

- 1) բնակչության խտություն
- 2) բնակչության բնական աճ
- 3) բնակչության մեխանիկական աճ
- 4) բնակչության միգրացիա

28

Նշվածներից ո՞ր երկիրն է բազմազգ:

- 1) Ռուսաստան
- 2) Ճապոնիա
- 3) Հայաստան
- 4) Իտալիա

29

Համաշխարհային տնտեսության ո՞ր հատվածին է պատկանում շինարարությունը:

- 1) չորրորդային
- 2) առաջնային
- 3) երկրորդային
- 4) երրորդային

30

Բնութագրումով որոշել երկիրը.

Այս ասիական պետությունն ունի բազմազգ բնակչություն: Բնակչության մեծ մասն ուղղափառ քրիստոնյաներ են: Արդյունաբերության մեջ առաջնային տեղը պատկանում է գյուղատնտեսական հումք մշակող ճյուղերին: Աձեցվող կարևորագույն մշակաբույսերն են թեյը և ցիտրուսային պտուղները: Մակերևույթը լեռնային է, հարուստ է ռեկրեացիոն ռեսուրսներով: Այս երկիրը էլք ունի դեպի Սև ծով:

- 1) Վրաստան
- 2) Բուլղարիա
- 3) Հորդանան
- 4) Թուրքիա

33

Ո՞ր մայրաքաղաքն է քարտեզ 1–ում նշված է տառով.

- 1) Ստոկհոլմ
- 2) Փարիզ
- 3) Լոնդոն
- 4) Հելսինկի

34

Կենտրոնական Ասիա տարածաշրջանի վերաբերյալ ո՞ր պնդումն է ճիշտ.

- 1) Գյուղատնտեսության առաջատար ճյուղը բուսաբուծությունն է:
- 2) Թեթև արդյունաբերությունը զարգանում է ներկրվող հումքի հաշվին:
- 3) Տրանսպորտային ցանցը խիտ է:
- 4) Բնակչության միջին խտությունը բարձր է:

35

Մշակաբույսերից որի՞ մշակությամբ է Չինաստանն աշխարհում գրավում առաջին տեղը.

- 1) սուրճի
- 2) մանիոկի
- 3) բրնձի
- 4) կակաոյի

36

Աֆրիկայի ո՞ր երկրները ելք չունեն դեպի ծով.

- 1) Գանա և Մավրիտանիա
- 2) Մոզամբիկ և Տանզանիա
- 3) Նիգեր և Ռուանդա
- 4) Թունիս և Մարոկկո

37

Ավստրալիայի վերաբերյալ ո՞ր պնդումն է ճիշտ.

- 1) Բնակչության թվով ամենախոշոր քաղաքը Կանբերան է:
- 2) Ավստրալիայի մակերևույթը հիմնականում հարթ է:
- 3) Աշխարհի ամենախիտ բնակեցված մայրցամաքներից է:
- 4) Արդյունաբերության առաջատար ճյուղը թեթև արդյունաբերությունն է:

38

Ամերիկայի Միացյալ Նահանգներին (ԱՄՆ) են պատկանում.

- 1) Հավայան կղզիները
- 2) Շալիցբերգենի կղզիները
- 3) Ֆոլկլենդյան կղզիները
- 4) Սողոմոնի կղզիները

39

Լատինական Ամերիկայի վերաբերյալ ո՞ր պնդումն է սխալ.

- 1) Բրազիլիան աշխարհում առաջատար է սուրճի համաշխարհային համախառն արտադրանքով:
- 2) Խոշորագույն նավահանգիստներից են Բուենոս Այրեսն ու Ռիո դե Ժանեյրոն:
- 3) Նավթի արդյունահանման ծավալով առաջատար երկիր է Չիլին:
- 4) Պարանա գետի վրա է կառուցված Իտայպու խոշորագույն ջրէկը:

40

Ռուսաստանի Դաշնության վերաբերյալ ո՞ր պնդումն է ճիշտ.

- 1) Նավթի հիմնական պաշարները տեղաբաշխված են Կուզբասի, Կանսկ-Աչինսկի ավազաններում:
- 2) Ոսկու արդյունաբերությունը հիմնականում կենտրոնացած է Կոլաթերակղզում:
- 3) Երկաթաքարի հիմնական պաշարները կուտակված են Կուրսկի մագնիսական անոմալիայում:
- 4) Էլեկտրաէներգիայի մեծ մասն արտադրվում է ատոմային էլեկտրակայաններում:

41

Հայկական լեռնաշխարհում գտնվող լճերից ո՞րը չունի հրաբխային ծագում.

- 1) Ուրմիա
- 2) Սաղամո
- 3) Փարվանա
- 4) Իսանչալի

42

Նշվածներից ո՞ր գետն է թափվում Արաքսի մեջ:

- 1) Իշխանագետ
- 2) Թարթառ
- 3) Իսաչենագետ
- 4) Կարկառ

45

ՀՀ բնակչության վերաբերյալ ո՞ր պնդումն է ճիշտ.

- 1) Ազգային կազմով աշխարհի առավել միատարր պետություններից է:
- 2) Թվաքանակով երկրորդ ազգը ասորիներն են:
- 3) Եզդիները հիմնականում բնակվում են Սյունիքի մարզում:
- 4) Ռուսները հիմնականում բնակվում են Վայոց ձորի մարզում:

46

ՀՀ-ում ուրբանիզացվածության ամենաբարձր մակարդակ ունեցող մարզն է.

- 1) Արմավիրը
- 2) Շիրակը
- 3) Սյունիքը
- 4) Արարատը

47

ՀՀ արդյունաբերության վերաբերյալ ո՞ր պնդումն է ճիշտ.

- 1) Քիմիական արդյունաբերության խոշոր կենտրոններ են Հրազդան և Գյումրի քաղաքները:
- 2) Ալյումինի արտադրությունը բացառապես օգտագործում է տեղական հումք:
- 3) Մեքենաշինության զարգացումը պայմանավորված է սև մետաղների առկայությամբ:
- 4) Մետաղաձուլության մասնագիտացված ուղղություններից է մոլիբդենի արտադրությունը:

48

Ո՞ր մարզում չկա երկաթուղային կայարան.

- 1) Լոռի
- 2) Գեղարքունիք
- 3) Վայոց ձոր
- 4) Շիրակ

49

Արագածոտնի մարզի վերաբերյալ ո՞ր պնդումն է սխալ.

- 1) Հիմնական ջրային զարկերակը Քասաղ գետն է՝ Գեղարքոս և Ամբերդ գլխավոր վտակներով:
- 2) Հողային ծածկույթում գերակշռում են կիսաանապատային հողերը:
- 3) Ընդերքը հարուստ է հրաբխային ապարատեսակներով:
- 4) Տարածքի բարձրաչափական նիշերի մեծ տարբերության պատճառով կլիման բազմազան է:

50

Կոտայքի մարզում գյուղատնտեսության ո՞ր ենթաճյուղը զարգացմամբ առաջատար չէ:

- 1) պտղաբուծություն
- 2) ձվի արտադրություն
- 3) խոզաբուծություն
- 4) ոչխարաբուծություն

51

Ո՞ր պնդումն է սխալ:

- 1) Բուսականությունը մասնակցում է նյութերի և էներգիայի համամոլորակային շրջապտույտին:
- 2) Լուսասինթեզի ժամանակ բույսերը կլանում են թթվածին և արտանետում ածխաթթու գազ:
- 3) Անտառներն ունեն ջրապաշտպան, հողապաշտպան, դաշտապաշտպան, կլիմայաստեղծ նշանակություն:
- 4) Անտառների պահպանմանն ու վերականգնմանն ուղղված միջոցառում է հատուկ պահպանվող տարածքների ստեղծումը:

52

Տրվածներից ո՞րը էներգիայի ստացման անսպառ աղբյուր չէ:

- 1) նավթային
- 2) երկրաջերմային
- 3) մակընթացային
- 4) արեգակնային

53

Հետևյալներից ո՞րը հողաբարելավման միջոցառում չէ:

- 1) անտառապատում
- 2) կլիմայավարժեցում
- 3) ոռոգում
- 4) քարամաքրում

54

Ո՞ր պնդումն է սխալ.

- 1) Ջերմոցային էֆեկտի ուժեղացման հետևանքով բարձրանում է երկրագնդի միջին ջերմաստիճանը:
- 2) Հողերի վատթարացման պատճառ է արոտավայրերի գերարածեցումը:
- 3) Արգելոցը հատուկ պահպանվող տարածք է, որտեղ ամբողջությամբ արգելված է մարդու արտադրական գործունեությունը:
- 4) Մարդու տնտեսական գործունեության պատճառով անտառների կրճատումը բնապահպանական համամոլորակային հիմնախնդիրներ չի առաջացնում:

55

Ո՞ր պնդումն է սխալ.

- 1) Մարդկային զարգացման համաթվի հաշվարկման գլխավոր բաղադրիչ է տվյալ պետության քաղաքական իրավիճակը:
- 2) Էկոլոգիական աղետալի շրջաններն աշխարհում աստիճանաբար ավելանում են:
- 3) Թույլ զարգացած երկրներին հատկապես բնորոշ է պարենային հիմնախնդիրը:
- 4) Համաշխարհային օվկիանոսը երկրագնդի մասշտաբով կլիմայի կարգավորիչ է:

56

Գրել այն գետերի համարները, որոնք հոսում են Եվրասիայում.

- | | |
|-----------|-----------|
| 1) Շարի | 5) Հոենոս |
| 2) Ենիսեյ | 6) Կոնգո |
| 3) Նեղոս | 7) Լենա |
| 4) Օբ | 8) Օրանժ |

57

Գրել այն լեզվախմբերի համարները, որոնք մտնում են հնդեվրոպական լեզվաընտանիքի մեջ:

- | | |
|---------------|-------------------|
| 1) դրավիդյան | 5) սլավոնական |
| 2) գերմանական | 6) հնդարիական |
| 3) ռոմանական | 7) ուգրո-ֆիննական |
| 4) թյուրքական | 8) քարթվելական |

58

Գրել բողոքայականության ուղղությունների համարները.

- | | |
|---------------------|----------------------|
| 1) բողոքականություն | 5) կաթոլիկություն |
| 2) մահայա | 6) սուննիականություն |
| 3) ուղղափառություն | 7) շիականություն |
| 4) հինայա | 8) լամայականություն |

59

Գրել այն երկրների համարները, որոնք առաջատար են թեյի մշակությամբ:

- | | |
|--------------|---------------|
| 1) Շրի Լանկա | 5) Դանիա |
| 2) Չինաստան | 6) Քենիա |
| 3) Կանադա | 7) Չադ |
| 4) Նորվեգիա | 8) Մադագասկար |

60

Գրել ՀՀ այն քաղաքների համարները, որոնք գտնվում են Սևանա լճի ավազանում.

- | | |
|-------------|--------------|
| 1) Վարդենիս | 5) Սիսիան |
| 2) Ջերմուկ | 6) Եղեգնաձոր |
| 3) Գավառ | 7) Սևան |
| 4) Մարտունի | 8) Վեդի |

61

Գրել այն տարածաշրջանների համարները, որոնք մասնագիտացված են խաղողագործության մեջ.

- | | |
|-------------------|--------------------------|
| 1) Մասրիկի դաշտ | 5) Արփայի հովիտ |
| 2) Սևանի ավազան | 6) Կոտայքի սարավանդ |
| 3) Արարատյան դաշտ | 7) Սյունիքի բարձրավանդակ |
| 4) Շիրակի դաշտ | 8) Լոռվա սարահարթ |

62

Տրված լճերի համարները դասավորել ըստ դրանց խորության աճման կարգի.

- 1) Բայկալ
- 2) Վանա
- 3) Տանգանիկա

63

Տրված օվկիանոսները դասավորել մեծության աճման կարգով.

- 1) Հյուսիսայի սառուցյալ
- 2) Խաղաղ
- 3) Հնդկական
- 4) Ատլանտյան

64

Լոնդոնում ժամը 10-ն է, Այդ պահին ժամը քանի՞ սը կլինի Երևանում (չորրորդ ժամային գոտի):

65

Որոշել Արեգակի ճառագայթների անկման անկյունը Մանկտ Պետերբուրգում (հս. լ. 60°) սեպտեմբերի 23-ի կեսօրին:

(66-67) Քաղաքի բնակչության թիվը 90 000 է, բնակչության բացարձակ բնական աճը՝ 900 մարդ: Եկաճների թիվը 8000 մարդ է, մեկնաճների թիվը՝ 6000 մարդ.

66 Որոշել միգրացիայի մնացորդը:

67 Որոշել քաղաքի բնակչության թիվը 1 տարի հետո:

68 Երկրի նավթի պաշարները կազմում են 3,2 մլրդ տ, տարեկան հանույթը՝ 80 մլն տ: Որքա՞ն է ռեսուրսաապահովվածությունը:

69

Գերմանիայի վերաբերյալ տրված պնդումներից որո՞նք են ճիշտ, որո՞նք՝ սխալ.

- 1) Գյուղատնտեսության առաջատար ճյուղը բուսաբուծությունն է:
- 2) Արտահանման մեջ գերակշռում են բնական գազն ու նավթամթերքները:
- 3) Տնտեսությունը գտնվում է զարգացման հետինդուստրիալ փուլում:
- 4) ՀՆԱ-ի կառուցվածքում ամենափոքր բաժինը զբաղեցնում է սպասարկման ոլորտը:
- 5) Արդյունաբերության առաջատար ճյուղերից են մեքենաշինությունն ու քիմիական արդյունաբերությունը:
- 6) Գյուղատնտեսությունն աչքի է ընկնում մեքենայացման ու քիմիացման բարձր մակարդակով:

70

ՀՀ Գեղարքունիքի մարզի վերաբերյալ տրված պնդումներից որո՞նք են ճիշտ, որո՞նք՝ սխալ.

- 1) Անասնապահության առաջատար ճյուղն է խոզաբուծությունը:
- 2) Մարզի գյուղերում է ապրում բնակչության մեկ երրորդը:
- 3) Առկա են քրոմիտի և ոսկու պաշարներ:
- 4) Կլիման բարեխառն լեռնային է:
- 5) Տնտեսության առաջատար ճյուղը գյուղատնտեսությունն է:
- 6) Հողաձածկույթում գերակշռում են լեռնաանտառային գորշ հողերը: